



Rede Defensor Direitos Umanus (RDDU)

Rua: Faról, Dili Karaketu, Timor-Leste

Nu.telefone (+670) 77139641 / 77259858/77402231

**Komunikadu Imprensa
Dili, 23 Setembru 2019**

**Rede Defensor Direitu Umanus: Kondena makaas aktu violentu
hasoru ema ho defisensia no husu ba ema hotu atu respeita no
valoriza ema ho defisiensia iha Paiz ida ne'e**

Rede Defensor Direitos Umanus (RDDU) kompostu husi organizasaun Sossiedade Sivíl sira ne'ebé tau matan ba asuntu direitus umanus. Rede ne'e nia ezistensia hodi halo monitorizasaun no advokasia ba kazu violasaun direitus umanus, ne'ebé akontese iha Timor-Leste.

Rede Defensor Direitos Umanus, apela ba ema hotu atu respeitu no tane ass prinsipiu no valores direitus humanus, ne'ebé konsagra iha konstituisaun RDTL nomós tratadu internasionais sira ne'ebé estadu Timor-Leste opta ona. Prinsioiu no valores sira ne'e tenke tau iha pratika atu nune;e nein ema ida sei laiha direitu atu diskrimina, halo violasaun no tratamentu a'at hasoru sidadaun sira hotu nomos ema defisiensia iha Timor-Leste.

RDDU komdena makas ho hahalok ne'ebé joven balu hasoru inan feto ho kondisaun defisensia ne'ebé espaila iha públiku iha media sosial (Facebook) grupu joven lubuk ida ne'ebé hobur no hateke deit bainhira joven sira nain rua seluk halo asaun violente hasoru ema ho defisiensia Psiko-sosial ida ne'e. RDDU kondena makas tebes wainhira hare estudante intelektual sira ne'ebé utiliza Uniforme (Almamater) universidade nian mak komete violentu ida ne'e hasoru sidadaun ho kondisaun defisensia.

Hare'e ba hahalok immoral no aktu violentu hasoru ema nia direitu liuliu hasoru ema ho difesensia ho nune'e, Rede Defensor Direitos Umanus husu ba:

1. PNTL, liliu unidade investigasaun kriminal imediatamengte buka tuir autor sira ne'ebé komete aktu violentu hasoru ema ho difesensia ne'ebé espaila iha media sosial;
2. Husu Ministeriu públiku atu investiga lalais autor prinsipal sira ne'ebé sira komete hasoru inan feton ida ne'ebé ho kondisaun defisiensia;

3. Husu tribunal atu kondena ema hirak ne'ebé halo krime hasoru sidadaun ho defisiensia tuir lei ne'ebé ejiste ona;
4. Husu ba PDHJ atu apoiu prosesu ida ne'e hodi identifika autór sira ne'ebé komete violasaun hasoru inan feton ho defisiensia psiko-sosial;
5. Husu ba autór sira ne'ebé envolve iha aktu ne'e atu kolabora hodi entrega an PNTL maibe karik lakohi kolabora husu ba PNTL atu buka tuir no kaptura autór sira ne'e hodi halo prosesu investigasaun;
6. Husu ba ema hotu atu kolabora liu-liu sira ne'ebé hanesan testemuña ba aktu ne'e hodi hato'o informasaun ba PNTL ou autoridade lokal sira atu bele buka tuir autor sira;
7. Husu ema hotu-hotu atu respeitu no valoriza direitu sidadaun sira hotu inklui ema ho defisiensia iha paiz ida ne'e;
8. Husu ba estadu Timor-Leste atu ratifika Konvesan Internasionál kona-ba Direitu Ema ho Defisiensia nu'udar asaun urjente!

Membru RDDU:

1. Asosiasaun HAK
2. JSMP (Judicial System Monitoring Program)
3. ALFeLa (Asistencia Legal ba Vítima Feto no Labarik)
4. AJAR (Asia Justice and Rights)
5. Acbit (Asosiasaun *Chega* Ba Ita)
6. Codiva
7. Fundasaun Mahein (FM)
8. AHMDTL (Asosiasaun Halibur Matan Defisiensia Timor-Leste)
9. Belun
10. CBRN-TL
11. Lao Hamutuk
12. ADTL (Asosiaun Difesensia Timor-Leste)

Dili, 23 Setembru 2019

Koordenador RDDU

Inocencio Xavier